

## MARTXOAREN 8a ADIERAZPEN INSTITUZIONALA

COVID19ak eragindako pandemiaren ondorioz, inoiz ez bezala, krisi multidimentsional eta sistemiko bat bizi dugu, lehendik zetozen beste krisi batzuekin gurutzatzen eta lotzen den krisia; hala nola, krisi ekologikoarekin eta zaintzen krisiekin. Pandemiak agerian utzi du gordinki feminismotik aspaldi aldarrikatzen ari zena: bizitza zaugarria eta dependientea da, eko eta interdependentea. Ezerk ez du bizitzaren zaintza baino garrantzitsuagoa izan behar, pandemiarekin muturreraino ahuldu eta prekarizatu den bizitza.

Aurtengo martxoaren 8an, Emakumeen nazioarteko egunean, pandemiak eta haren kudeaketak baldintzatutako urte honetan, aintzat hartu beharra dago emakumeek pandemia eta honen ondorioak borrokatzeko mundu osoan egindako ekarpena, izan ere:

- egiaztatuta dago emakumeek eta neskek eragin negatiboagoa izan dutela krisi honetan, batez ere krisira zaugarritasun edo diskriminazio handiko egoeran sartu zirentzat.
- emakumeak lehen lerroan kokatu dira, osasun-langile eta zaintzaile gisa, haien komunitateak berrasmatu eta antolatu dituzte, bai barnekoak, baita ingurukoak ere, eta pandemiaren ondorioak arintzen ahalegindu dira.

Hilabete hauetan genero-desberdintasun estrukturalen gorakada errealitate ukaezina da. Horregatik, irtenbidea ez da pandemiaren aurreko egoerara itzultzea. Erronka berriei ekin behar diegu, eta gizartean erroturik dauden eta, jakina, pandemian eta post-pandemian aregotu diren egoerei aurre egin, gizarte parekide eta justu bat sortzeko. Guztiontzat bizitza duina bermatzea eta zaintzea lehentasuntzat joko duen antolaketa sozial bat eraiki behar dugu, eta hori premisa feministetatik egin behar da.

Horretarako, erakundeak koordinatu behar dira, eta bideak ireki herritarrek erabaki publikoetan benetan eta eraginkortasunez parte har dezaten, batez ere emakume-talde anitzek eta mugimendu feministek. Egun honek udal honek politika publiko-komunitario feministekin duen konpromisoa berresteko balio behar du, krisiaren ondoriozko larrialdiei erantzuteko eta erdigunean bizitza zainduko duen gizarte-eredu baterantz joateko.

Horregatik guztiagatik, Lasarte-Oriako Udalak, bere eskumenen esparruan, honako hau erabaki du:

1. COVIDaren krisiak eragindako ondorioei erantzuteko onartzen diren **laguntzetan eta laguntza-programa guztietan genero-ikuspegia txertatzen** dela bermatzea.
2. Udalerrian COVID19aren ondorioak ezagutzeko **azterketa** sakon bat egitea, kolektibo eta pertsona ahulenen egoera eta beharrak kontuan hartuz, udalerriko elkarte feministekin batera lan eginez, eta eztabaida eta datuak partekatuz, ahalik eta lan errealistena izan dadin.

3. Errealitate horren eta identifikatutako beharrei aurre egiteko **premiatzko neurriak abiaraztea eta horien jarraipena egitea**. Ezinbestekoa baita **udal programen bidez** kolektibo zaugarriak, indarkeria matxista bizi dutenak, emakume eta adingabeak, emakume migratuak, guraso bakarreko familiak, bakarrik dauden adineko emakumeak eta atzematen diren kolektibo zaugarriak babestea.
4. Emakume, nerabe eta neskatoen **ahalduntze indibidual eta kolektiborako ekintzak** bultzatzea, tokiko eragile feministekin batera.
5. Gure herriko **emakumeen ehun-soziala indartzea**, premisa feministetatik eta ahalduntze-premisetatik.
6. Premisa feministetatik abiatuta, **zaintzei buruzko herri eztabaida-guneak irekitzea**, zaintza-lanen balio sozial eta politikoa aitortzen duten **komunikazio-kanpainak egitea**, (erantzunkidetasunari arreta berezia eskainiz eta etxeko langileenak bezalako errealitateak ikusaraziz) eta **tokiko zaintza sare komunitarioei babesa eta baliabideak ematea**.
7. Zeharka, identifikatu diren Udalerriko emakume zein **kolektibo feministek parte hartzeko bideak irekiko** dira, identifikatu diren jarduera guztien diseinutik ebaluazioraino **parte hartu ahal izateko, euren iritzia kontuan hartuz**.

*Elkarrekin Lasarte-Oria Podemos  
Lasarte-Oria EH Bildu*